



Broj: 05-036-263/17
Sarajevo, 08.09.2017. godine

Na osnovu člana 70. stav (1) i stav (3) Zakona o javnim nabavkama Bosne i Hercegovine («Sl.glasnik BiH» br.39/14), člana 70. Zakona o organizaciji organa uprave u F BiH («Sl.novine F BiH» br. 35/05), nakon provedenog Otvorenog postupka, Direktor Zavoda za izgradnju Kantona Sarajevo, a na osnovu Izvještaja i Preporuke Komisije za javnu nabavku br.05-068-992/17 od 08.09.2017. godine **donosi**

ODLUKU o poništenju postupka

1. Poništava se postupak dodjele ugovora za usluge „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta Sedrenik br.138-146, Općina Stari Grad“ u skladu sa članom 69. stav (2) tačka d) Zakona o javnim nabavkama BiH («Službeni glasnik BiH» br.39/14).
2. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Na osnovu Odluke o pokretanju postupka javnog nadmetanja broj: 05-036-195/17 od 18.07.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-2-50-3-58/17 na portalu javnih nabavki, te obavještenje u „Sl. glasniku BiH“ br. 54/17 od 28.07.2017. godine, za „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Sedrenik br.138-146, Općina Stari Grad“.

Na osnovu objavljenog Obavještenja putem Otvorenog postupka, tendersku dokumentaciju preuzeli su: „Design & QC“ d.o.o. Sarajevo, „Georad“ d.o.o. Tuzla, „Institut za geotehniku i geologiju“ - Građevinski fakultet u Sarajevu, „Geoavas“ d.o.o. Sarajevo, „IG - Institut za građenje“ Banja Luka, „Rudarski institut“ d.d. Tuzla i „Winner project“ d.o.o. Sarajevo.

Iz Izvještaja Komisije je vidljivo da se Komisija sastala dana 23.08.2017.godine, radi preuzimanja i otvaranja ponuda za „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Sedrenik br.138-146, Općina Stari Grad“ koju u su podnijeli ponuđači: „Design & QC“ d.o.o. Sarajevo, „Georad“ d.o.o. Tuzla, „Institut za geotehniku i geologiju“ - Građevinski fakultet u Sarajevu i „Geoavas“ d.o.o. Sarajevo.

Komisija je otvorila ponude svih ponuđača i iz „Obrasca za cijenu ponude“ i „Obrasca za ponudu“ pročitala ponuđenu cijenu ponuda, dok su rokovi izrade usluge, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Otvaranje ponuda izvršeno je u prisustvu ovlaštenog predstavnika ponuđača „Geoavas“ d.o.o. Sarajevo.

Prisutni predstavnik ponuđača nije imao primjedbi na postupak otvaranja ponuda.





Komisija se ponovo sastala dana 05.09.2017. godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih usluga.

Komisija je konstatovala slijedeće:

- Uvidom u ponudu ponuđača „Design & QC“ Sarajevo Komisija je konstatovala da je ponuđač u svojoj ponudi u Obrascu za dostavljanje ponude u tački 5. koja se odnosi na rok važenja ponude upisao datum 23.08.2017. godine, koji ustvari predstavlja datum otvaranja ponude, a ne datum važenja ponude nakon 90 dana. S tim u vezi ponuđač nije ispunio uslov iz tačke 23. Tenderske dokumentacije (Rok važenja ponude) gdje je jasno naglašeno „U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. Stav (1) Zakona“. Komisija je takođe konstatovala da je Nacrt ugovora (Prilog 10) koji je priložen u ponudi djelimično popunjen, tj. nije popunjen na način kako je traženo tačkom 27. Tenderske dokumentacije u kojem je naznačeno „Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora“. Također je konstатовano da je Ugovor o poslovno tehničkoj saradnji sa JU „Institut za urbanizam, građevinarstvo i ekologiju RS“ istekao 04.08.2017. godine, obzirom da je u Ugovoru naglašeno da vrijedi (19 godinu dana od dana potpisivanja ugovora.

Zbog svega gore iznesenog Komisija je zauzela stav da se ponuda ponuđača „DESIGN & QC“ d.o.o. Sarajevo odbije u skladu sa članom 60. Stav (1) i članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).

- Uvidom u ponudu ponuđača „GEORAD“ d.o.o. Tuzla Komisija je konstatovala slijedeće:
 - Ponuđač je u svojoj ponudi dostavio kopije diploma i uvjerenja o položenom stručnom ispitu, ali je isпустиo da dostavi kopiju matične evidencije uposlenih kao dokaz, kako je to traženo tačkom 13.4. b) Tenderske dokumentacije koja se odnosi na Tehničku i profesionalnu sposobnost - Član 48-51 Zakona o javnim nabavkama
 - Ponuđač nije upisao jedinične cijene u Predmjeru radova (Prilog 10) u stavkama 13, 14, 15, 16 i 17, te nije ispunjen uslov iz tačke 14. i) Tenderske dokumentacije gdje je jasno naznačeno „Predmjer – troškovnik treba biti ispunjen i ovjeren za kompletnu specifikaciju sa jediničnim cijenama u KM, za sve stavke troškovnika, bez dopuna, jer će ponude koje nisu popunjene na taj način isključiti iz postupka dodjele ugovora.“
 - Ponuđač je u svojoj ponudi u Prilozima 3, 4, 5, 6 i 7 uložio pogrešnu dokumentaciju tj. dokumentaciju iz drugog lokaliteta. Navedeni prilozi odnose se na „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Močila (Mekić Raza), Općina Stari Grad Sarajevo, a ne na lokalitet tražen Tenderskom dokumentacijom tj. „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Sedrenik br.138-146, Općina Stari Grad“, te se Prilozi kao takvi ne mogu uzeti u razmatranje.
 - Nacrt ugovora (Prilog 10) koji je priložen u ponudi je djelimično popunjen, tj. nije popunjen na način kako je traženo tačkom 27. Tenderske dokumentacije u kojem je naznačeno „Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora“.

Zbog svega gore iznesenog Komisija je zauzela stav da se ponuda ponuđača „GEORAD“ d.o.o. Tuzla odbije u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14)





- Uvidom u ponudu ponuđača „Institut za geotehniku i geologiju“ - Građevinski fakultet u Sarajevu Komisija je konstatovala da je ponuđač u svojoj ponudi u Obrascu za dostavljanje ponude u tački 5. koja se odnosi na rok važenja ponude upisao datum 02.11.2017.godine, što je kraće od roka datog u tački 23. Tenderske dokumentacije. Ovom tačkom jasno je naglašeno „ Rok važenja ponude (opcija ponude) je 90 dana, računajući od dana podnošenja ponude. U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. Stav (1) Zakona o javnim nabavkama.“ Zbog gore iznesenog Komisija je zauzela stav da se ponuda ponuđača „Institut za geotehniku i geologiju“ - Građevinski fakultet u Sarajevu odbije u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).
- Uvidom u ponudu ponuđača „GEOAVAS“ d.o.o. Sarajevo Komisija je konstatovala da Ponuđač nije upisao jedinične cijene u Predmjeru radova (Prilog 10) u stavkama 13, 14, 15, 16 i 17, te nije ispunjen uslov iz tačke 14. i) Tenderske dokumentacije gdje je jasno naznačeno „Predmjer – troškovnik treba biti ispunjen i ovjeren za kompletnu specifikaciju sa jediničnim cijenama u KM, za sve stavke troškovnika, bez dopuna, jer će ponude koje nisu popunjene na taj način isključiti iz postupka dodjele ugovora“. Kako ponuđač nije ispunio uslove iz tenderske dokumentacije, Komisija je zauzela stav da se ponuda ponuđača „GEOAVAS“ d.o.o. Sarajevo odbije u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).

Obzirom da ni jedan ponuđač nije dostavio tehnički zadovoljavajuću ponudu Komisija nije vršila računsku kontrolu istih.

Komisija je predložila Ugovornom organu i dala Preporuku da se u skladu sa članom 69. Stav (2) tačka d) Zakona o javnim nabavkama BiH („Službeni glasnik BiH“ br.39/14 poništi postupak javne nabavke za „Provođenje istražnih radova, izrada geotehničkog elaborata, izrada Glavnog projekta sanacije i projekta monitoringa klizišta lokalitet Sedrenik br.138-146, Općina Stari Grad“, obzirom da nijedna od primljenih ponuda nije prihvatljiva.

Shodno navedenom Ugovorni organ je prihvatio preporuku komisije i donio Odluku kao u dispozitivu.

POUKA O PRAVNOM LJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o dodjeli ugovora. Žalba se podnosi u najmanje 3 (tri) primjerka.

Naknada za pokretanje žalbenog postupka iznosi 500,00 KM i podnosi se Uredu za razmatranje žalbi, a u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog:

- Zapisnik o ocjeni ponuda

DOSTAVITI:

1. "Design & QC" d.o.o. Sarajevo
2. "GEORAD" d.o.o. Tuzla
3. "Institut za geotehniku i geologiju" GF Sarajevo
4. "GEOAVAS" d.o.o. Sarajevo

